

四庫全書

史部

欽定四庫全書

史部

御批歷代通鑑輯覽卷九十一

詳校官侍講_臣王燕緒

編修_臣裴謙覆勘

總校官進士_臣程嘉謨

校對官學錄_臣常循

謄錄監生_臣馬錦

欽定四庫全書

御批歷代通鑑輯覽卷九十一

宋

寧宗皇帝

嘉定十四年

金興定五年

春三月金兵破黃蘄州引還扈

再興李全追擊敗之

初金人攻蘄知州李誠之

字茂欽婺州東陽人

百計禦之會黃

州失守金人併兵來攻城始破誠之併其妻子官屬

皆死之金兵退再興邀擊于天長敗之及渡淮北去

全又大敗之

宋元通鑑金人圍黃州州守何大節取郡印佩之誓以死守一夕與兵忽奔告

曰城陷矣擁之登車敵兵已集大節自沉于江而死時以誠之大節二人等死誠之果決特為褒贈立廟大節遲迴等于棄城遁走所載與續綱目不同今並注于此

夏五月甲申朔日食

蒙古取金東平使嚴實石珪守之金以呼爾噶行省于邳州王庭玉行元帥府于黃陵岡

東平被圍久糧道復絕行省呼爾噶監軍王庭玉不

能守率衆南趨邳州蒙古蘇魯克圖

舊作唆魯忽禿今改

邀擊

斬首七千級嚴實遂入城建行省于府第先是穆呼哩以東平不下將還謂千戶薩哩台曰東平破可命

嚴實石珪分城內南北以守之遂去至是薩哩台以穆瑚黎命中分其城以嚴實撫安東平以北恩博等

州石珪移治曹州

已而金玉庭玉取曹州殺石珪

六月立沂王嗣子貴和為皇子更名竑

帝以國本未立命選太祖十世孫年十五歲以上者

教育宮中如高宗擇普安王故事于是立貴和為皇

子以貴誠為秉義郎

貴誠初名與昌燕懿王德昭之後希瓚之子也母全氏家于紹

建諸大事而假其權於相臣已非防微杜漸之道矧借沂王立後為名廣選宗室致奸臣陰售其私蓄意觀釁遂擅廢置國事幾不可問彌遠固罪不容于死而推溯由來寧宗賢貽之禍根

興山陰縣初慶元人命天錫為史彌遠府童子師性謹厚彌遠器重之彌遠在相位久以帝未有儲嗣而沂靖惠王近屬亦未有後欲借沂王置後為名陰擇宗室中可立者以備皇子之選會天錫告還鄉秋試彌遠密語之曰今沂王無後宗子賢厚者幸具以來天錫渡浙舟抵越西門會天大雨過全保長家避雨保長知為丞相客具雞黍甚肅須臾有二子侍立天錫異而問之保長曰此吾外孫趙與苦與為也日者嘗言二兒後當相貴天錫因憶彌遠言及還臨安以告之彌遠命召二子來保長大喜驚曰治衣冠集姻黨送之且設其遇及見彌遠善相大奇之恐事不便捷使復歸保長大慙逾年彌遠忽謂天錫曰二子

可優來乎天錫名之保長辭謝不遺彌遠乃使天錫
密諭保長曰二子長者最貴宜還撫于其父家遂載
至臨安及貴和立為皇子乃補與
莒東義郎賜名貴誠年十七矣

京湖制置大使趙方卒

方病革曰未死一日當立一日紀綱及卒人皆思之

方少從張栻學初知青陽縣告其守史彌遠曰惟科
不擾是催科中撫字刑罰無差是刑罰中教化人以
為名言方守襄漢十年以戰為守合官民兵為一體
通制總司為一家許國之忠應變之畧隱然有構組
折衝之風故金人擾邊淮蜀大困而京西一境獨全能
用名人如陳陂游九功輩皆拔為大吏扈再興孟宗
政皆自土豪推誠擢任致其死力卒為名將故能藩
屏一方使朝廷無北顧之憂游九功字勉之建陽

人

九月立宗室貴誠為沂王後

貴誠凝重寡言潔修好學每朝參待漏他人或笑語
貴誠獨儼然出入殿庭矩度有常見者斂容彌遠益
異之至是立為沂靖惠王後

冬十月蒙古穆呼哩侵夏夏人以兵附之遂取金葭州
及綏德州十一月圍延安府

穆呼理由東勝州涉河而西夏主懼遣塔爾海

舊作塔海

令改監府等宴穆呼哩於河南且遣塔海舊作塔哥今改甘布

舊作甘普今改將兵五萬屬焉十月穆呼哩引兵東行入葭

州金將王公佐適以石天應權行臺守葭自將兵攻綏德破

兩寨夏主遣瑪爾布舊作迷僕今改帥衆會之瑪爾布問穆

呼哩相見之儀曰汝主見我主即其禮也瑪爾布曰

未受主命不敢即拜因引衆去至是穆呼哩進攻延

安瑪爾布始贊馬而拜金元帥哈達即完顏瞻字景山舊作合達今

改與納哈塔邁珠禦之哈達以兵三萬陳于城東蒙

古將蒙古布哈先以騎士三千趨之約半夜伏發穆
呼哩乃命軍士銜枚潛進伏于城東兩谷間明日蒙
古布哈望見金兵佯棄旗鼓走金兵追之穆呼哩出
伏兵乘其後鼓輦震天金兵大亂穆呼哩追殺七千
餘人哈達走入延安城堅壁不出穆呼哩以城池堅
深猝不可拔乃留軍圍之而自將兵南攻廊坊等州
四川宣撫使安丙卒詔以崔與之

字正子
廣州人

為四川制置

使盡護蜀軍

丙在四川以攻為守威績甚著朝廷賴之及卒詔與之盡護四蜀之師與之開誠布公拊循將士人人悅服軍政復立

張林叛降蒙古穆呼哩以林行山東東路都元帥李福自膠西逃歸

李全既併將漣水忠義益驕悍輕朝廷

及避金山作佛事以薦國

瘍知鎮江府喬行簡方舟逆全大合樂以享之全歸語其衆曰江南佳麗無比正須若等一到始造航艘

舟謀爭舟楫之利焉

喬膠西當登寧海之衝百貨行簡字壽朋發州東陽人

輻輳全使其兄福守之為窟宅計時互市始通北人
尤重南貨價增十倍全誘商人至山陽以舟浮其貨
而中分之自淮轉海達于膠西福又具車輦之而稅
其半乃聽往諸郡貿易車夫皆督辦于張林林不能
堪林財計仰六鹽場福恃弟有恩于林欲分其半林
許福恣取鹽而不分場福怒曰若背恩邪待與都統
提兵取君頭耳林懼其黨李馬兒說林歸蒙古林遂
以京東諸郡請降于蒙古穆呼哩以林行山東東路

益都滄景濱棣等州都元帥府事福狼狼走還楚州

林猶遺賈涉書言非已叛實由李福也

已而知濟南府種資討張

林林敗走李金入青州據之
事在十五年五月

閏十二月遣使如蒙古

通好也蒙古尋遣使來報

壬午十五年

金元光元年

春正月庚戌朔受恭膺天命寶于大

慶殿大赦

初鎮江都統翟朝宗得璽于金師獻于朝既而趙拱

又得玉印文與璽同而加大朝廷喜受之行慶賀禮

大赦

賈涉遺書彌遠謂天意隱而難知人事切而易見當思今日人事尚未有可答天意彌遠不憚

二月金人復來侵夏五月淮兵襲敗之

金主以朝廷絕歲幣國用困乃命元帥左監軍額爾

克行元帥府事節制三路軍馬同簽書樞密院事時

全副之由額壽進渡淮敗官軍于高塘市

今曰高塘鎮在潁州

府霍邱縣西

攻固始縣破廬州將焦思忠兵旣而獲生口

言全之姪青受宋詔與全兵相拒全匿之五月額爾

克引衆還距淮二十里諸軍將渡全矯稱密詔諸軍
且留收淮南麥下令人獲三石以給軍衆惑之留三
日額爾克謂全曰今淮水淺狹可以遠濟若值暴漲
宋乘其後將不得完歸矣全力拒之是夕大雨明日
淮水暴漲乃為橋渡軍官軍襲之全兵大敗橋壞全
以輕舟先濟士卒皆覆沒金之兵財由是大竭金主
詔數全罪而誅之

進封子竑為濟國公以貴誠為邵州防禦使

彌遠取子姪其
皇子設計動搖
奸惡實無可逞
然竊方居潛養
正遽以他日得
志自期非但淺
率無知而為臣
子者胸中宜宜
竟萌此想即使
充踐尊位亦知
其不能熟宗
諸耳

竑好鼓琴史彌遠買美人善鼓琴者納諸竑而厚撫
其家使睨竑動息美人知書慧黠竑嬖之時楊皇后
專國政彌遠用事久宰執侍從臺諫藩閫皆所引薦
莫敢誰何權勢熏灼竑心不能平嘗書楊后及彌遠
之事于几上曰彌遠當決配八千里又嘗指宮壁輿
地圖瓊厓曰吾他日得志置史彌遠于此又嘗呼彌
遠為新恩以他日非新州則恩州也彌遠聞之大懼
思以處竑而竑不知真德秀時兼宮教諫竑曰皇太

子若能孝于慈母而敬大臣則天命歸之矣否則深可慮也竝不聽一日彌遠為其父浩飯僧淨慈寺與

國子學錄鄭清之

字德源
鄭人

登慧日閣屏人語曰皇子

不堪負荷聞後沂邸者甚賢今欲擇講官君其善訓導之事成彌遠之坐即君坐也然言出于彌遠之口

入于君之耳若一語泄吾與君皆族矣清之曰不敢乃以清之兼魏惠王府學教授清之日教貴誠為文又購高宗御書俾習焉清之謁彌遠即示以貴誠詩

文翰墨譽之不容口彌遠嘗問清之曰吾聞皇姪之賢已熟大要竟如何清之曰其人之賢更僕不能數然一言以斷之曰不凡彌遠領之再三策立之意益堅乃日媒孽竑之失于帝覲帝廢竑立貴誠而帝不悟其意

秋八月長星見西方

蒙古耶律楚材謂其主曰女真將易主矣

九月大名忠義彭義斌復京東州縣嚴實將晁海以青

金距此時逾十年四月始易主何似于長星之見且彼時南宋而北有金蒙古亦方興之間

而西方則西夏之地長星究為誰見耶此不過附會楚材明天文之說而不知其怪誕已甚也

崖峒降

冬十月蒙古穆呼哩取金河中以石天應權河東關陝

行臺

穆呼哩所過州縣皆下時金于牛心寨

在吉州西

僑治吉

州事穆呼哩自隰州攻之知州楊貞

字正甫吉州人

令妻孥

先墜崖已從之皆死

考一統志楊貞築牛心寨以拒元兵子克義戰歿元兵攻之急

命其子克敬克讓俱死妻孟氏自經乃南望再拜自投河中所載較詳今附注于此

穆呼哩入

寨留兵守之且使蒙古布哈引遊騎出秦隴以為聲

援及相視山川夷險而自將兵下孟州晉陽霍邑等
寨召石天應謂之曰河中為河東要郡擇守非君不
可乃以天應權行臺平陽太原吉陽等帥並受節制
穆呼哩遂趨長安使烏哈納台布哈

舊作兀胡乃屯
太不花今改

守之遣昂吉

舊作安
赤今改將兵斷潼關

十一月蒙古穆呼哩取金同州節度使完顏額爾克死
之

十二月以李全為保寧節度使京東河北鎮撫副使

初史彌遠欲加全官賈涉止之及加節鉞涉歎曰朝廷但知官爵可以得其心寧知驕則將至于不可勸

耶

蒙古主特穆津入西域滅回回國

即默迪納國明史西域傳默迪納回回祖

鄭樵有言郡縣有增而更山川千古不易外國部落亦從史稱元太祖既平西域盡易前代國名以蒙古語於是古國俱不可

國也相傳其祖國王瑪哈木瑪特生而神靈盡臣服西域諸國尊為排哈木巴爾猶言天使也其教以事天為主而無像設隋開皇間始傳其教入中國迄元世其人遍于四方續綱目是條援綱書蒙古主入西域屠密爾城滅回回國大掠忻都而還考元史太祖紀十七年壬午西域主扎拉迪音出奔與密爾汗合帝自將擊之擒瑪里克汗扎拉迪音遁去追之不獲十八年癸未定西域諸城置達魯噶齊監治之十九年甲申帝至東印

考不知名號雖
更山川猶昔設
未撫有其疆域
何內詳考其名
稱若今回部平
定山川道里悉
按圖可稽以今
準古如漢之三
十六國唐之安
西四鎮何不可
瞭然指視哉

度國角端見班師據此則回回之滅與角端之見事隔
兩年續綱目併作一條非是今于是條提綱但書蒙古
主滅回回國而以忻都角端之見附叙目中仍加已而
二字以別先後 默迪納舊作默德那排哈木巴爾舊
作派噶木巴爾密爾舊作密里扎拉迪音
舊作扎拉丁瑪里克汗舊作密里汗今改

先是蒙古主遣子卓沁察罕台烏格台圖壘分攻鄂

托羅爾

舊作幹脫
羅兒今改

玉龍哈實等城而自將攻都哩木

舊作迭里

密令改

巴喇勒台

舊作班勒
訖今改

城

方輿紀要諸城皆
在天方國境天方

古筠冲地舊曰天堂亦曰默伽在西域極西考西域
圖志和闐回部所屬六城有玉隴哈什蓋即元時所

謂玉龍
城也

遂圍塔爾哈

舊作塔里
寒今改

寨

方輿紀要在默迪
納境地近天方

進薄回回國其王委國而去續綱目作逃匿海于是

擊定西域諸城置達魯噶齊猶華言掌印官也監治之已而

蒙古主進掠痕都

即印度也方輿紀要漢身毒國六朝及唐謂之天竺宋時謂之析都

後又訛為印度有東西南北中五國所謂五印度是也

次鐵門關

明史西域傳撒馬兒罕渴

石城西有石峽兩崖如斧劈其口有門色如鐵番人號為鐵門關設兵守之賽瑪爾堪古屬賓國舊作撒

馬兒罕侍衛見一獸鹿形馬尾綠色而獨角能為人言謂之曰汝

君宜早還蒙古主怪之以問耶律楚材對曰此獸名

角端解四夷語是惡殺之象今大軍西征已四年蓋

角端能解人言
事涉荒誕楚材

雖得洽何所據
而云然或元太
祖至此而不欲
窮兵故爾班師
歸國好奇者遂
從而傳會之元
史燕雖不足觀
由當時記載失
真米源諸人又
不為詳數懸錄
沿訛其失誠不
可枚舉也

上天惡殺遣之告陛下願承天心宥此數國人命實
無疆之福蒙古主遂班師

癸未

十六年

金元光二年

春正月金元帥都監侯孝順

河東人按侯孝

雜

順舊作侯小叔
今改後仿此

取河中殺蒙古石天應

穆呼哩攻鳳翔府晝夜苦戰四十餘日不下將由河

中北還金元帥右都監侯孝順襲河中破之殺石天

應焚浮橋而退穆呼哩以天應子烏格

按烏格舊作
幹可今改後

仿代領其衆

初金主命元帥都監阿魯岱守河中阿
魯岱恒怯不能軍竭民膏血為浚築之

計及絳州破阿嚕岱並懼馳奏河中孤城不可守有
旨親視果不可守則棄之無至資敵阿嚕岱遂棄河
中燒民居官舍一二日而盡尋有言河中重鎮國家
基本所在設為敵人所據則大河之險我不得專恃
矣金主命有司復修葺之
終不能成故隨守隨陷

三月蒙古穆呼哩卒于解州

穆呼哩白河中帥師還至解州聞喜縣以疾卒穆呼

哩雄勇善謀與博爾濟

阿爾拉氏納固爾
微拉之子朔方人

博勒呼

厚

氏
齊拉衮

按博爾濟舊作博爾木阿爾拉舊作阿兒
刺納固爾微拉舊作納忽阿兒蘭博勒呼

舊作博兒忽厚新舊作許兀慎齊
拉衮舊作赤老溫今並改後仿此

等俱以忠勇事蒙

古主時號為都爾本庫魯克

舊作撥里斑
曲律今改

猶華言四

傑也四人之子孫皆領宿衛號四集賽

舊作怯
薛今改

出官

則為輔相焉

夏六月准東制置使賈涉卒

涉以李全驕暴難制力求還朝在道卒

初涉欲制忠
義兵乃以翟

朝宗統鎮江副司八千人屯蕪州城中又分帳前忠
義萬人命趙邦永高友統五千屯城西王暉于潭統
五千屯淮陰李全輕鎮江兵而忌帳前忠義乃數稱
高友等勇遇出軍必請以自隨涉不許全每宴麾下
併召涉帳前將校于是帳前亦願隸全然未能合也
及涉卒卽壽邁攝帥事全請曰忠義烏合尺籍箇莽

莫若別置新籍一納諸朝一申制閫一留全所庶功
過有考請給無弊壽邁從之全乃合帳前忠義與已
軍盡籍之而併統
其軍壽邁不悟

秋八月金將納哈塔陸格

舊作納合六哥
今改後仿此

殺呼爾噶謀

邳州降附金人殺之

呼爾噶御下嚴邳州從宜經畧使納哈塔陸格殺之

遂據州反與蒙古將李二措致書海州言欲來附李

全麾下周岳得之以報全全喜遣王喜兒以兵二千

應接而已繼之二措納喜兒而囚之全若攻邳四面

阻水二措積勁弩備之全不得進合兵索戰而敗欲
還楚州會濱棟有亂乃引兵趨青州金行院總帥約
赫德舊作牙吾答
今改後仿此討殺陸格復其城

九月庚子朔日食

冬十二月以許國為淮東制置使

初淮西都統許國奉祠家居欲傾賈涉而代之數言
李全必反涉卒會召國入對國疏全姦謀益深反狀
已著非有豪傑不能消弭蓋自鬻也遂易國文階為

余宣宗尚未至
于啓憤在廷蓋
無一二親信大
臣可預顧命而
以傳位大事詠
及婦人乎且既
謂疾革她殆近
侍亦何能盡離

淮東安撫制置使兼知楚州命下聞者驚愕淮東參

幕徐晞稷雅意開闢及聞國用乃注釋國疏以寄全

全不樂

金主珣殂子守緒立

是為金
哀宗

金主疾革時已暮夜近臣皆出惟前朝資政夫人鄭

氏以年老侍側金主知其可託謂之曰速召太子主

後事言絕而殂夫人秘之是夕后妃問安寢閣麗貴

妃陰狡機慧常以其子英王守純年長不得立懷怨

左右而止留一
前朝年老夫人
終夜侍側必無
此情理況云麗
貴妃陰狡機惡
又安能受鄭氏
之給而不之覺
語更自相矛盾
此必傳聞訛外
修史者亦從而
甚其辭斷非當
時實事也

鄭氏恐其為變即給之曰上方更衣后妃可少休他

室伺其入遽鑰之急召大臣傳遺詔立皇太子守緒

始啟戶出后妃發喪太子方入宮英王已先至太子

知之分遣樞密院官及東宮親衛軍官伊喇布哈

本

丹人按伊拉布哈舊作移刺蒲阿令改後仿此集軍三萬餘于東華門街部

署既定命護衛四人監守純于近侍局乃即位于柩

前

蒙古攻夏夏主遵頊傳國于其子德旺

遵頊自稱上皇德旺改元乾定未幾遵頊卒

德旺號之曰神

宗

甲申

十七年

金哀宗守緒正大元年

春三月召崔與之為禮部尚書

以鄭損為四川制置使與之辭不拜

與之治蜀將士輯睦府藏充實至是以疾歸廣州蜀

人肖其像祠焉

金使人來請和

金主遣尚書令史李唐英至滁州通好既而復遣樞

密判官伊喇布哈率兵至光州榜諭軍民更不南侵
秋閏八月帝崩史彌遠矯詔立沂王子貴誠更名昀為
理宗尊皇后為皇太后同聽政封皇子竑為濟王出居湖

州

八月丙戌帝不豫史彌遠遣鄭清之往沂王府告貴
誠以將立之意貴誠默不應清之曰丞相以清之從
遊久故使布腹心今不答一語則清之將何以答丞
相貴誠始拱手徐言曰紹興老母在清之以告史彌

遠益相與嘆其不凡壬辰帝疾篤彌遠稱詔以貴誠
為皇子改賜名昀授武泰軍節度使封成國公閏月

丁酉帝崩彌遠遣皇后兄子谷

本開封人
居上虞

石

字介之
谷之弟

以廢立事白后后不可曰皇子竑先帝所立豈敢擅
變谷等一夜七往返后終不許谷等乃拜泣曰內外
軍民皆已歸心苟不立之禍變必生則楊氏無噍類
矣后默然良久曰其人安在彌遠即于禁中遣快行
宣昀令之曰今所宣是沂靖惠王府皇子非萬歲巷

皇子苟誤則汝皆處斬皇子竑時聞帝崩跣足以需
宣召久而不至乃屬目牆壁間見快行過其府而不
入疑焉已爾擁一人徑過天暝不知為誰甚惑之昀
入宮見后后拊其背曰汝令為吾子矣彌遠引昀至
柩前舉哀畢然後召竑竑聞命即赴至則每過宮門
禁衛拒其從者彌遠亦引竑至柩前舉哀畢引出帳
殿帥夏震守之遂召百官立班聽遺制則引竑至舊
班竑愕然曰今日之事我豈當仍在此班震給之曰

未宣制前當在此宣制後乃即位竑以為然已而遙見殿上燭影中有人在御座則昀已即位矣宣制畢閣門宣贊呼百官拜賀竑不肯拜震捽其首下拜遂稱遺詔以竑為開府儀同三司封濟陽郡王判寧國府尊楊皇后曰皇太后垂簾同聽政詔遵孝宗故事宮中自服三年喪尋進封竑為濟王出居湖州

九月詔傳伯成

字景初
察之孫

為顯謨閣學士楊簡

字敬仲
慈谿人為

寶謨閣學士辭不至

史彌遠欲收衆望勸帝褒表老儒遂詔傳伯成楊簡

及柴中行

字與之
餘干人

俱奉朝請伯成簡辭不至

以真德秀直學士院魏了翁為起居郎

初以德秀及禮部侍郎程瑛

字懷古
休寧人

吏部侍郎朱著

閩縣人
綽之孫

並兼侍讀工部侍郎葛洪

字容父
婺州東陽人

起居郎

喬行簡宗正少卿陳貴誼

字正甫
福清人

軍器監王暨並兼

侍講尋又以德秀直學士院召魏了翁為起居郎

德秀

之為起居舍人兼宮誥也言事不避權貴且惓惓于
復舊言知史彌遠欲以爵祿縻天下士慨然謂劉燾曰

真德秀初以宮
誥得與即來奔

敬之吉相訓牖
其意實為盡誠
既而力求出外
雖若忽然于茲
然應彌遠以爵
祿相縻惹為引
避猶得去就之
正及彌遠擅行
廢立尤當去之
雖惡不逐况理
宗既替竝而立
不戴之節德秀
竟未講求乃反
應召而遷從客
入對復欲勸忠
于殿陛春秋之

吾徒須急引去使廟堂知世有不肯為從官者遂力
請外至是自知潭州召還入對勸帝容受直言召用
賢臣固結人心為本帝開納之了翁當開禧初以武
學博士召試學士院對策諫開邊事御史徐相劾了
翁在妄了翁亦以親老出知嘉定府尋築室白鶴山
下以所聞于輔廣李燾者開門授徒士爭負笈從之
由是蜀人盡知義理之學及為潼川轉運判官上疏
乞與周敦頤張載程頤程顥錫爵定證示學者趨向
朝廷從之 白鶴山亦
名四明山在邛州西

追封希璠為榮王以其子與芮襲封奉祀

帝追封所生父希璠為榮王生母全氏為國夫人而

弟與芮嗣之

責備改不能為
德厚寬矣

濟王既身被黃
袍發軍資庫犒
兵則非國親臣
節始終不從者

冬十月金及夏平

夏人自貞祐初與金以小故生釁構難十年一勝一負遂至精銳俱盡兩國皆弊至是夏遣其吏部尚書

李仲諤修好于金稱弟不臣各用本國年號金遣禮

部尚書鄂吞良弼

舊作與敦良弼
今改後仿此

報之

理宗皇帝

寶慶元年

金正大二年

春正月湖州潘壬起兵謀立濟王

竑既而竑討壬壬走史彌遠矯詔殺竑追貶為巴陵郡

矣後知事不成
乃帥兵討壬敗
變綱目書法以
示不盡予之之
意

公

湖州人潘壬與其從兄甫弟丙以史彌遠廢立不平
欲奉濟王而立之乃遣甫密告于李全全欲坐視成
敗陽與之期日遣兵而實無意也壬等信之遂部分
其衆以待及期全兵不至壬等懼事泄乃以其黨雜
販鹽盜千餘人結束如全軍狀揚言自山東來夜入
州城求濟王王聞變匿水竇中壬尋得之擁至州治
以黃袍加王身王號泣不從壬等彊之王不得已乃

與約曰汝能勿傷太后官家乎衆許諾遂發軍資庫金帛會子犒軍知州謝周卿率官屬入賀壬等乃偽為李金榜揭于門數史彌遠廢立罪且曰令領精兵二十萬水陸並進人皆聳動比明視之則皆太湖漁人及巡尉兵卒耳王知事不成乃遣王元春告于朝而帥州兵討壬壬變名走楚州甫丙皆死元春至行在史彌遠懼甚急召殿司將彭壬帥師赴之至則事平矣潘壬至楚州將渡淮為小校明亮所獲送臨安

斬之彌遠忌竑詐言竑有疾令余天錫召醫入湖州
視之天錫至假稱諭旨逼竑縊于州治以疾薨聞尋
詔追貶為巴陵郡公又降為縣公改湖州為安吉州

起居郎魏了翁金部員外郎洪咨夔相繼言竑之寃
及禮部侍郎直學士院真德秀入對因曰陛下初膺
大寶不幸處人倫之變有所未盡流聞四方所損非
淺嘗川之變非濟邸本志前有避匿之迹後聞捕討
之謀情狀本末灼然可考願詔有司討論雍熙進封
秦邸舍罪恤孤故事斟酌行之雖濟王未有子息與
滅繼絕在陛下耳帝曰朝廷待濟王亦至矣德秀曰
若謂此事置處盡善臣未敢以為然觀舜所以處象
則陛下不及舜明甚人主但當以二帝三王為師帝
曰一時倉卒耳德秀曰此已往之咎願陛下進德修

學以掩前失洪咨夔字舜俞於潛人雪川湖州有雪水故名元和志雪水一名茗溪源出天目山逕湖州南下流與餘不諸溪合入太湖

蒙古武仙殺吏天倪天倪弟天澤

字潤甫秉直季子

討仙仙走

西山天澤復入真定

武仙聞彭義斌復山東州縣乃叛蒙古殺都元帥史

天倪天倪弟天澤時護母歸燕府僚王守道

元史作王縉

追天澤于道告之故且曰變起倉卒部曲散在近郊

若能返旆當不招自至天澤曰不共國之讐死亦當

往況不死邪遂傾貲裝易鎧仗南還行次滿城得士

馬甚衆遣監軍李伯祐詣國王博囉

穆呼哩之子嗣為國王舊作字

魯今改

言狀且乞濟師博囉即命天澤嗣兄河北西路

都元帥遣薩納台

圖伯特克味特氏舊作笑乃台元史作者乃台圖伯特克味特舊作

素伯怯烈今改後仿此

率銳卒三千援之合勢進攻仙仙驍將

葛鐵搶擁衆來拒天澤迎擊之乘勝至中山畧無

極

漢毋極縣唐改無今縣屬正定府

拔趙州仙敗奔西山天澤遂復

真定

已而武仙夜襲真定天澤奔藁城未幾天澤以藁城之兵入真定襲仙仙復走西山

漢藁城

縣唐改藁平宋復
舊今縣屬正定府

二月李全作亂焚楚州許國走死以徐晞稷為制置使
撫之

許國至鎮

李全妻楊氏郊迎國
辭不見楊氏慚而歸

既視事痛抑北軍有

與南軍競者無曲直偏坐之犒賞十損八九全自青
州致書于國國諄于衆曰全仰我養育我畧示威即
奔走不暇矣全故留青州國不能致乃數致厚餽邀
全還劉慶福亦使人覘國意向國左右語覘者曰制

置無害汝等意慶福以報全全集將校曰我不叅制

閫則曲在我今不計生死必往遂還楚州上謁賓贊

戒全曰節使當庭參制使必免禮及庭趨國端坐納

全拜不為止全怒

退曰全歸本朝拜人多矣但恨汝非文臣本與我等汝向以淮西都

統謁賈制帥亦免汝拜汝有何勲業一旦位我上便不相假借邪全赤心報朝廷不反也

國繼設

盛會宴全遺勞加厚全終不樂慶福謁國之幕客韋

夢先夢先令隔幕貌諾慶福亦怒既而全欲往青州

恐國苛留自計曰彼所爭者拜耳拜而得志吾何愛

焉更折節為禮因會集間出劄白事國見其細故判從之全即席再拜謝自是動息必請得請必拜國大

喜語家人曰吾折伏此虜矣全往青州尋遣慶福還

楚為亂

國集兩淮馬步軍十三萬大閱楚城外以挫北人之心全妻楊氏及軍校留者懼其謀已

內自為備適湖州藩王事敗全黨益不安或教楊氏畜一妾男子指謂人曰此宗室也且語僚佐曰會令汝為朝士潛約盱眙四軍為應盱眙四將不從于是慶福謀中輟止欲快意于國計議官苟夢玉知之以告國國曰但使反反即殺我豈文儒不知兵者邪夢玉懼禍及求檄往盱眙復告慶福曰制使欲圖汝兩

為自結之計

及是國晨起視事忽露刃充庭客駭走國厲

降賊敢子仍殺
制使宜聲討之
所必加彌遠乃
欲含忍苟安求
能得賊歡心徐
晞稷以代節制
庸懦悞國雖不
容誅及金土表
待罪理宗亦寬
置之不問其昏
弱無能更可慨

聲曰不得無禮矢已及顙流血蔽面而走亂兵悉害
其家大縱火焚官寺兩司積蓄盡為賊有親兵數十
人翼國登城樓縋城走伏道堂中宿焉是日慶福首
殺夢先以報其辱明日國縊于途事聞史彌遠懼激
他變欲事含忍以徐晞稷嘗倖楚守海得全歡心乃
授晞稷制使令屈意撫全全聞國死自青州還楚佯
責慶福不能彈壓致忠義之閑斬數人上表待罪朝
廷不問知揚州趙范得制置使印于潰卒中以授晞

見美若晞稷之
苟賤無恥甘心
簞賊以自卑羞
朝廷而觀賊朝
更不足齒于人
數紀綱顛倒若
此何以爲國

稷晞稷至楚金及門下馬拜庭下晞稷降等止之賊

衆乃悅

晞稷至以恩府稱金恩堂
稱楊氏而手足劍置矣

三月葬永茂陵

在會稽縣
東南寶山

史臣曰寧宗初年召用宿儒引拔善類其政可觀中
更韓泥膏內蓄羣姦指正為偽外批彊鄰流毒淮甸
亟首求成國體虧矣及史彌遠擅權幸帝耄荒竊弄
威福至于皇儲國統亦得乘機伺間遂其廢立之私
他可知矣

夏四月太后以疾罷聽政

五月李全襲彭義斌于恩州義斌敗之

許國既死李全牒彭義斌于山東曰許國謀反已伏
誅矣兩軍並聽我節制義斌大罵曰逆賊背國厚恩
擅殺制使我必報此讐乃斬齋牒人南向告天誓衆
見者憤激五月全自青州攻東平不克乃攻恩州義
斌出兵與戰全敗走獲其馬二千劉慶福引兵救全
又敗全退保山峒抽山陽忠義軍以北楊氏及劉全
皆欲親赴難會全遣人求徐晞稷書與義斌連和乃
止義斌致書沿江制置使趙善湘

字清臣濮安懿王五世孫

曰不

誅逆全恢復不成但能遣兵扼淮進據連海以蹙之
斷其南路此賊必擒賊平之後收復一京三府然後
義斌戰河北盱眙諸將襄陽騎士戰河南神州可復
也盱眙四總管亦各遣使致書乞助討賊知揚州趙
范亦以為言史彌遠令諭范無出位專兵各享安靜
之福范復以書力論之彌遠不聽

六月加史彌遠太師封魏國公

彌遠辭太師許之

彭義斌圍東平嚴實請和秋七月義斌徇真定實以蒙古兵來襲義斌死之京東州縣盡陷

義斌既克山東復納李全降兵兵勢大振遂圍東平

嚴實潛約蒙古將博囉罕

舊作字里海今改

合兵攻之兵久

不至城中食盡乃與義斌連和義斌亦欲藉實取河朔而後圖之遂以兄禮事實時實衆尚數千義斌不之奪而留所掠實青厓之家屬不遣七月義斌下真定道西山與博囉罕等軍相望義斌分實以帳下兵

陽助而陰伺之實知勢迫即赴博羅罕軍與之合遂及

義斌戰于內黃之五馬山

在內黃縣西

義斌兵潰史天澤

以銳卒畧其後遂擒義斌說之降義斌厲聲曰我大
宋臣義宣為他臣屬邪遂死之于是京東州縣復為
實有實所統有全魏十分齊之三魯之九凡五十四
城後又割大名彰德外屬而益以德充濟單四州時
所在殘毀獨實所統治安四方之民爭赴之

贈張九成官爵錄程頤後

理宗在位甚久

政無足紀後人或許其能推崇理學爾時內外政紀要于此者多矣乃無整飭徒慕虛名無實濟則亦烏足稱道況祇襲贈已往之程朱而不用現在之真魏即所謂推崇理學又與崇公之好龍何以異哉

帝以九成正色立朝有中興明道之功贈太師追封

崇國公

謚文忠

九成研思經學多所訓解然早與學佛

者游故議論多偏尋又詔求程頤後得四世孫源以

為籍田令

以梁成大

字謙之福州人

為監察御史罷直學士院真德秀金

部員外郎洪咨夔

時論濟王事者衆史彌遠患之成大以知縣秩滿待

選謫事彌遠家幹者萬昕昕一日言真德秀當逐成

大曰某若入臺必能辦此事所為達其語遂擢御史

成大因與莫澤李知孝

字考先
光之孫

共為彌遠鷹犬凡忤

彌遠意者三人必相繼擊之于是給事中王堅等駁

德秀所主濟王贈典莫澤等繼劾之遂命提舉王隆

官咨夔亦言濟王寃成大等復交劾之鵠二秩由是

名人賢士排斥殆盡

人目成大知孝與莫澤為
三凶且謂成大為成大

冬十月蒙古主伐夏取甘肅州西涼府十一月取靈州

進次鹽州川

以西夏納仇人伊克和實來

舊制亦臘喇及不入質

翔昆今改

子也

以孝知孝為右正言

知孝附史彌遠而忌真德秀魏了翁之鯁直乃上疏

陰詆之

略曰士大夫汲汲好名正救之力少而附和沽激之意多扶持之意微而詆訾扇搖之意

勝既慮君上之或不能用又恐朝廷之或不能容姑為激怒之辭退俟斥逐之命始則慷慨而激烈終則懇切而求去將以樹奇節而立令名此則臣之所未解也踰月復言近年諸老凋零後學晚出不見前輩不聞義理不講綱常識見鄙陋議論偏謬更唱迭和盡惑人心此風披扇為害實深各務靖共以杜禍萌

遂進拜右正言

貶魏了翁官居之靖州罷真德秀祠祿

先是大理評事胡夢昱上書言濟王不當廢言甚切
直史彌遠諷李知孝劾之除名編管象州時魏了翁
出關餞夢昱知孝遂引了翁首倡異論將擊之彌遠
猶畏公議外示優禮改權工部侍郎了翁力以疾辭
乃出知常德府

夢昱尋卒于貶所

越二日諫議大夫朱端常

劾了翁欺世盜名朋邪謗國德秀奏劄詆誣詔了翁

落職奪三秩靖州居住德秀落煥章閣待制罷祠知

孝復上書乞追削流竄德秀以正典刑梁成大亦奏

了翁已從追竄人猶以為罪大罰輕德秀狂僭悖謬

不減了翁相羊

同倘

家食宜削秩貶竄一例施行彌

遠勸帝下其章帝曰仲尼不為己甚乃止成大貽書

所親曰真德秀乃真小人魏了翁乃偽君子此舉大

快公論識者笑之

了翁至靖湖湘江浙之士不遠千里負書從學乃著九經要義百卷

訂定精密先儒所未有也德秀既歸浦城修讀書記語門人曰此人君為治之門如有用我者執此以往

給京軍緡錢

以雪寒給在京諸軍緡錢有差出戍之家倍之自是慶祥災異淫雨雪寒咸給之

蒙古使人如高麗未至盜殺之

自是高麗與蒙古不通

丙戌二年

金正大三年

春正月贈陸九齡等官錄張栻呂祖謙

陸九淵後

詔贈陸九齡直秘閣

諡文達

沈煥

字叔晦定海人

直華文閣

諡端

趙普首渝金匱
之盟王旦苟徇
天書之舉豈可
以冠魏富司馬
諸臣且張浚之
狠愎史浩之庸
豕更無足取此
皆史彌遠欲專
崇其父以焜耀
一時故為此徇

憲錄張栻呂祖謙陸九淵子孫官各有差沈煥九淵門人人品

高明不苟自恕常曰畫觀諸妻子夜卜諸夢寐兩者無愧始可以言學仕終舒州通判

三月建昭勲崇德閣

趙普曹彬薛居正石熙載潘美李沆王旦李繼隆王曾呂夷簡曹瑋韓琦曾公亮富弼司馬光韓忠彥呂頤浩趙鼎韓世忠張浚陳康伯史浩葛邲後益以趙汝愚凡二十四人皆圖形其上

蒙古圍李全于青州

名失實之舉耳

全北剽山東挾朝廷以疑蒙古蒙古攻之全大小百戰終不利嬰城自守蒙古築長圍夜布狗若全糧援路絕與兄福謀福曰二人俱死無益也汝身係南北輕重我當死守孤城汝間道南歸提兵赴援可尋生路全曰數十萬勁敵未易支也全朝出城夕陷不如兄歸于是全留青福還楚

秋七月夏主德旺以憂卒弟子覲立

蒙古主子夏城邑多降德旺憂悸而卒國人立覲

號德

旺曰
獻宗

八月金置益政院說書

金主詔設置政院于內庭以禮部尚書楊雲翼

字之美贊

皇人家樂平等為說書官雲翼天性雅重博學能文明于

政事直言敢諫與翰林學士趙秉文

字周臣礪州滄陽人

同為

時所重

徐晞稷罷以劉瑋為淮東制置使

朝廷聞李全為蒙古所圍稍欲圖之以晞稷畏懦謀

淮亂方棘非大有才略者不能節制如許國徐晞稷劉瑋彭忙

姚弋仲皆以庸懦小人垂涎間寄朝廷遂信而用之卒致伊等被殺被逐其幸免者惟以嫖賊為長技措施顛倒如是安望其能靖賊患乎

易帥劉瑋雅意建閬使鎮江副都統彭忭延譽忭亦垂涎代瑋從吏尤力故以瑋代晞稷忭代瑋知盱眙冬十一月盱眙忠義夏全作亂逐劉瑋以衆降金

瑋至楚州心知不能制馭盱眙四總管惟以鎮江兵三萬自隨夏全請從瑋素畏其狡不許彭忭自以資望視瑋更淺曰瑋止夏全是欲遺患盱眙瑋猶憚夏全我何能用乃激夏全曰楚城賊黨不滿三千健將又在山東劉制使圖之收功在旦夕太尉昌不往赴

事會夏全忻然帥兵徑入楚城時青亦自淮陰入屯

城內瑋駭懼時傳李全已死李福欲分兵赴青州瑋

令夏全盛陳兵楚城李全之黨震恐李全妻楊氏使

人行成于夏全

謂曰將軍非山東歸附邪狐死兔悲李氏滅夏氏寧獨存願將軍垂盼全

諾楊氏盛飾出迎與按行營壘曰人傳三哥死吾一婦人安能自立便當事太尉為夫子女玉帛干戈倉庫皆太尉有望即領此城無多言也夏全心動乃置酒歡甚飲酣就寢如歸於是轉讐為

好反與福謀逐瑋遂圍楚州治楚官民舍殺守藏吏

取貨物時瑋精兵尚萬人窘束不能發一令太息而

已夜半瑋縋城僅以身免鎮江軍與賊戰死者大半
將校多死器甲錢粟悉為賊有瑋步至揚州借兵自
衛夏金既逐瑋暮歸李全營楊氏拒之全恐楊氏圖
已因大掠趨盱眙欲為亂盱眙將張惠范成進閉城
門夏金不得入狼狽降金朝廷聞之大怒瑋自劾未
幾死

丁亥三年

金正大四年

春正月以姚朮為淮東制置使

朝廷以姚朮嘗與李全交驩故命之朮朝辭帝謂曰

南北皆吾赤子何分彼此卿直為朕撫定之聃至楚
城東艤舟以治事間入城見李全妻楊氏用徐晞稷
故事而禮過之楊氏許聃入城聃乃入寄治僧寺中
極意娛之

贈朱熹太師信國公

熹先謚曰文至是詔曰朕觀朱熹集註大學論語孟
子中庸發揮聖賢蘊奧有補治道朕勵治講學緬懷
典刑可特贈熹太師追封信國公踰月熹子工部侍

郎因入對言人主學問之要帝曰先卿中庸序言之甚詳朕讀之不釋手恨不與之同時也

紹定中改封歲國公

夏五月李全以青州降蒙古

全被圍一年食牛馬及人且盡將自食其軍全欲降懼衆異議乃焚香南向再拜欲自經而死其黨鄭衍德田四救之曰譬如為衣有身愁無袖邪今北歸未必非福全乃降于蒙古

蒙古遣使責歲幣于金

六月戊申朔日食

楚州忠義李福作亂逐姚翀詔以統制楊紹雲兼淮東制置使改楚州為淮安軍

劉慶福在山陽自知已為厲階懷不自安欲圖李福以贖罪于朝福知之亦謀殺慶福于是二人互相猜忌不復相見一日福偽稱疾不出旬餘慶福往候之福乃躍起拔刀傷慶福慶福走左右殺之福以慶福首納于姚翀翀大喜時楚州自夏全之亂儲積無餘

淮為江之捍蔽
已不宜輕棄況
有叛則當討帥
非其人則當慎
擇而易宜可以
一時變亂遂不
復建閫視若羈
縻因置廢食宋

網運不續賊黨籍籍謂福所致福畏衆口數見聃促
之聃謝以朝廷頒給未下至是福來衆怒與李全妻
楊氏謀召聃飲聃至而楊氏不出就坐賓次左右散
去福兵欲害聃鄭衍德救之得免去鬚髮緇城夜走
歸明州死朝廷以淮亂相仍遣帥必斃始欲輕淮而
重江楚州不復建閫就以其帥楊紹雲兼制置改楚
州為淮安軍命通判張國明權守視之若羈縻州然
金遣使請和于蒙古

政之不綱亦已甚矣

蒙古主滅夏以夏主覲歸

夏自元昊稱帝至覲亡凡十主合二百一年

蒙古主盡克夏城邑其民穿鑿土石以避鋒鏑免者

百無一二白骨蔽城蒙古主避暑于六盤山

注見前

踰

月夏主覲力屈出降遂繫以歸夏亡

時諸將爭掠子女財帛耶律楚

材獨取書數部大黃兩駝而已既而軍士病疫惟得大黃可愈楚材用之可活萬人

秋七月張林等歸淮安討李福斬之

李全之黨以贍軍錢糧不繼屢有怨心全將國安用

閻通歎曰我曹米外日受銅錢二百楚州物賤可以

樂生而劉慶福為不善怨讐相尋使我曹無所衣食
時張林邢德亦在楚自謂嘗受朝廷恩中遭全間貳
今歸于此豈可不與朝廷立事王義深嘗為全所辱
五人相謂曰朝廷不降錢糧為有反者未除耳乃共
議殺李福及全妻楊氏以獻遂帥眾趨楊氏家福走
出邢德手刃之相屠者數百人有郭統制者殺全次
子通及全妾劉氏妾稱楊氏函其首并福首獻于楊
紹雲馳送臨安傾朝皆喜

彭忬輕儇無狀
坐失事機其過
罔不待言若時
青不過紅襖賊
魁降金復叛歸
宋始終一進退
無據之人耳有
何重望而朝議
忽而檄忬忽而
檄青致使諸將

詔知盱眙軍彭忬及時青經理淮東八月忬將張惠等
執忬以盱眙降金

時檄忬及總管張惠范成進時青并兵往楚州使便
宜盡戮李金餘黨忬輕儇不為惠等所服得檄不敢
自決請制府及朝廷處之朝議以時青望重檄青區
畫青恐禍及密遣人報金于青州遷延不決惠成進
以朝檄專委青不及已乃歸盱眙設燕邀忬乘其醉
縛之渡淮以盱眙降于金金人俾惠專制河南以拒

離心釀成事故
青之畏首畏尾
密報李全還延
不出適以自殺
其軀無足深責
而宋之君臣皆
昧無知欲弭亂
而轉以速亂果
何所見而成此
大錯耶

蒙古而使總帥完顏額爾克戍之

蒙古以李全行省事于山東淮南全自青州復入淮安

殺張林

全得時青報慟哭力告蒙古大將求南還不許全因
斷一指以示之誓還南必叛蒙古大將乃承制授全
山東淮南行省得專制山東歲獻金幣全遂與蒙古
張宣差及通事數人還楚州服蒙古衣冠文移紀甲
子而無年號楊紹雲聞其至遂留楊州不還王義深

奔金國安用張林殺邢德以自贖郭統制亦為全所殺既而全誘殺時青併其衆

冬十二月金封李全為淮南王全不受

時全敗完顏額爾克于龜山故也

蒙古兵入關外

謂大散關以外

諸隘四川制置使鄭損棄三關

方輿紀要此三關謂陽平白水仙人也漢中西面之險以三關為最考陽平關在漢中府寧羗州東北古陽安關地六朝以後謂之陽平非三關時白馬城之陽平關也注已詳前白水關在寧羗州西南與四川昭化縣接

界仙人關
注見前
逃歸

先是蒙古自鳳翔侵京兆入之關中大震及是蒙古

復以兵破關外諸隘至武階

注見前

鄭損棄沔州

宋開禧中

置今漢中府略陽縣是

而遁于是三關不守時金人盡棄河北

山東關陝惟併力守河南保潼關自洛陽三門

注見前

析津

即禹貢析城山在今澤州府陽城縣西南

東至邳州之源雀鎮

在邳州東

北東西二千餘里立四行省帥精兵二十萬以守禦

之議者乞謹邊備以防南侵帝命樞臣采其計

蒙古主特穆津殂于六盤山少子圖壘監國

蒙古主在六盤山病革謂左右曰金精兵在潼關南據連山北限大河難以遽破若假道于宋宋金世讐

必能許我則下兵唐鄧直擣大梁金急必徵兵潼關

然以數萬之衆千里赴援人馬疲弊雖至弗能戰破

之必矣言訖而殂

年六十六葬起輦谷廟號太祖起輦谷在漠外方輿紀要元諸帝

皆葬此不第四子圖壘監國

加築為陵史臣曰元太祖深沉有大略用兵如神故能滅國四十遂平西夏其奇勲偉績甚衆惜乎當時史官不備或多失于紀載云

蒙古入西河州知州事陳寅寅諱閣待制威之子死之

蒙古兵薄西和城寅率民兵晝夜苦戰援兵不至城

陷寅謂妻杜氏曰若速自為計杜厲聲曰安有生同

君祿死不共王事者即飲藥自殺二子及婦俱死母

旁寅斂而焚之乃自伏劍死賓客同死者二十八人

事聞贈右文殿
修撰謚襄節

戊子紹定元年金正大五年春三月金將完顏禪華善名彛字良佐世

以小字行豐州人舊作陳和尚今改大敗蒙古兵于大昌原在慶陽府寧州東南宋史

地理志寧州定
平有大昌鎮

蒙古兵入大昌原金平章政事完顏哈達問誰可為
前鋒者忠孝軍提控完顏禪華善出應命許之禪華
善即擐甲上馬以四百騎大敗蒙古八千之衆士氣
皆倍蓋自有蒙古之難二十年間始有此捷奏功第
一名震國中授定遠大將軍世襲穆昆忠孝一軍皆
回紇奈曼混渾及中原被俘避罪而歸者驚狼難制
禪華善御之有方坐作進退皆中陳式所過州邑秋

毫無犯每戰則先登陷陣諸軍倚以為重已而禪華

善復敗蒙古于衛州

在正大六年

後又敗蒙古蘇布特

蒙古

烏梁海人按蘇布特舊作速不

于倒回谷

在正大八年

臺梁海罕舊作兀良合今並改

谷在西安府藍田縣七盤山舊志唐貞觀中刺史記

西華以七盤山路險峻開新道七百里回山取途故

夏六月壬寅朔日食

冬十一月雷

己丑二年

金正大六年蒙古太宗却特烏格台元年

秋八月蒙古烏格台立

是為元

太宗

烏格台自和博

在和林北舊作霍博今改

而來會喪于是耶律楚

材以太祖遺詔召諸王畢會請立烏格台時圖彞監

國諸王意猶豫未決楚材言于監國曰此社稷大計若

不早定恐生他變監國乃與諸王奉烏格台即位于

和林東奎騰阿喇勒

在和林東舊作庫鐵烏阿喇里今改

之地時因庶

事草創儀制簡率楚材始定冊立禮儀俾皇族諸王

尊長皆就班列以拜又中原新定未有號令長吏皆

得自專生殺稍有忤意刀鋸隨之至有全家被禍者
楚材以為言命禁絕之

冬十二月蒙古始定算賦

中原以戶西域以丁蒙古以牛馬羊

蒙古以史天澤等為萬戶分守中原

蒙古以史天澤劉哈瑪爾

本名巖字孟方濟南人舊作黑馬今改

蕭札拉

為萬戶分統漢兵真定河間大名東平濟南五路隸天

澤平陽宣德等路隸哈瑪爾

庚寅

三年

金正大七年

春二月起復趙范趙葵節制鎮江滁州

軍馬

范葵時丁母憂求解官不許乃卒哭俱復視事

蒙古立十路課稅所

初蒙古太祖征西域倉庫無斗粟尺帛之儲於是羣臣咸言雖得漢人亦無所用不若盡殺之使草木暢茂以為牧地耶律楚材曰夫以天下之廣四海之富何求而不得但不為耳誠均定中原地稅商稅酒醋鹽

鐵山澤之利周歲可得銀五十萬兩絹八萬疋粟四十餘萬石何為無用哉太祖曰誠如卿言則國用有餘矣卿試為之至是楚材奏立十路課稅所設使副二員悉用士人楚材因間進說周孔之教且謂天下雖得之馬上不可以馬上治蒙古主深然之由是文臣漸進用矣

夏五月以李全為彰化保康節度使京東鎮撫使全不受命遂罷知揚州翟朝宗

李金屢作不靖
戕害朝臣叛溺

全自還楚即厚募人為兵不限南北全知東南利舟

楫謀習水戰米商至悉併舟糴之留其舵工以一教

十又遣人泛江湖市桐油熬筏厚募南匠大治舳舻

船自淮口及海相望時時試舟於射陽湖

在淮安府阜寧縣北

與鹽城實應分界即古射陵也

及海洋復以糧少為辭遣海舟自蘇州

洋入平江嘉興告糴實欲習海道以覘畿甸然以山

東經理未定而歲貢蒙古者不可缺故外恭順朝廷

以就錢糧因以貿貨輸蒙古朝廷亦以全往來山東

久已彰著且既降蒙古即非宋臣授以節鎮已為失策及予而不受更非爵祿可餌而其不臣之跡彌復顯然尚安得為恭順乃為其外飾之貌所愚遣餉不絕轉糗少寬北顧之憂宋室君臣何憊憊乃爾齋盜糧而痛賊鋒軍士幾因解體使非趙范趙

得以少寬北顧之憂遣餉不絕全因縱遊說于朝復

請建閭山陽又遣使入金且欲銷朝廷兵備乃遣軍

士穆椿潛入京師皇城縱火焚前軍器庫于是先朝

兵甲盡喪

金欲先據揚州以渡江分兵徇通泰以趙海共下皆曰通泰鹽場在焉莫若先取為

家計且使朝廷失鹽利金欲朝廷不為備且雖反不敢遽絕其給乃挾蒙古李宣差來宣差以恫疑虛喝

而蒙古實未常資全兵其朝廷雖知其姦姑事苟安李宣差則青州賣藥人也

不之詰及全耀麥舟過鹽城

漢鹽漬縣晉改鹽城今縣屬淮安府知揚州

翟朝宗嗾尉兵奪之全怒以捕盜為名水陸數萬徑

蔡力主進攻淮
亂其何能已乎

構鹽城戍將陳益樓彊知縣陳遇皆遁全入城據之
朝宗倉皇遣幹官王節懇全退師全不許留鄭祥董
友守鹽城而自提兵還楚州以狀白于朝曰遣兵捕
盜過鹽城縣令自棄城遁去慮軍民驚擾不免入城
安衆朝廷乃授全節鉞令釋兵命制置司幹官往諭
之全曰朝廷待我如小兒啼則與果不受制命朝廷
為罷朝宗命通判趙璫夫攝州事趙范趙葵深以全必
反為慮累疏力言之史彌遠不納

秋八月蒙古史天澤攻武仙于汲仙敗走胡嶺關

在懷慶府

濟源縣西亦名虎嶺關

先是天澤擊仙仙自西山敗走汲縣

金史作仙走汴京與此異

金

復封仙為恒山公置府衛州至是天澤合諸軍圍之

金將完顏哈達率衆來援蒙古諸軍皆北天澤獨以

千人繞出其後諸軍合攻之仙逸去屯胡嶺關天澤

遂取衛州

冬十月以趙善湘為江淮制置使

李全造舟益急招沿海亡命為水手又給趙璣夫以
蒙古為辭邀增五千人錢糧求誓書鐵券朝廷猶遣
餉不絕全得米即自轉輸淮海入鹽城以贍其衆他
軍士見者曰朝廷惟恐賊不飽我曹何力殺賊射陽
湖人至有養北賊戕淮民之語聞者太息時史彌遠
多在告諸執政又不以為意獨鄭清之深憂之力勸
帝討全帝乃以趙善湘制置江淮許便宜從事然猶
有內圖進討外用調停之說惟趙范趙葵兄弟力請

進兵討之

蒙古主帥衆入陝西金以完顏哈達伊喇布哈行省事

于闐鄉以備潼關

初蒙古使翁鄂羅

舊作幹骨
樂今改

至陝西議和金行省伊

喇布哈赫舍里約赫德等懼其泄事機留之已而蒙

古圍慶陽布哈擊敗之圍遂解布哈志意驕滿乃遣

翁鄂羅還謂之曰我已準備軍馬能戰則來翁鄂羅

還見蒙古主白之蒙古主怒即與其弟圖壘帥衆入

陝西翔翔京兆同華之間破諸山砦柵六十餘所遂
趨鳳翔金以平章政事完顏哈達及伊喇布哈行省
閔卿以備之

十二月李全寇揚州趙范趙葵會師擊敗之

全突至揚州灣頭

即茱萸灣一曰東塘注見前

揚州副都統丁勝

拒之全乃攻城南門趙璚夫得史遠彌遠書許增萬
五千名糧勸全歸楚州即遣劉易就全壘示之全笑
曰丞相勸我歸丁都統與我戰非相結邪擲書不受

墩夫恐亟發牌印迓趙范于鎮江范亦克日約葵葵
帥雄勝寧淮武定強勇四軍萬四千赴之時全引兵
攻泰州知州宋濟迎降全入坐郡治盡收其子女貨

幣將趨揚州聞范葵已入揚城

全鞭鄭衍德曰我計先取揚州渡江爾曹

勸我取通泰今二趙已入揚州矣江其可渡邪既而曰今惟有徑擣揚州耳

遂分兵守泰

而悉衆攻揚州至灣頭立砦據運河之衝使胡義將

先鋒駐平山堂以伺三城

舊志周顯德中克揚州韓令坤以故城大難守于城

東南隅築小城以治已而李重進改築于故城之南謂之西城宋紹興中郭棣知揚州以重進所築處勢

平滌復就故城遺址
建築大城所謂三城

機便全攻東門葵親搏戰全將

張友呼城門請葵出葵出與全隔濠立馬相勞苦問
全來為何全曰朝廷動見猜疑今復絕我糧餉我非
背叛索錢糧耳葵曰朝廷待汝以忠臣孝子而乃反
戈攻陷城邑朝廷安得不絕汝錢糧汝云非叛欺人
乎欺天乎全無以對彎弓抽矢向葵而去自是屢戰
全兵多敗宗雄武獻策曰城中素無薪且儲蓄為總
領所支借殆盡若築長圍三城自困全乃悉衆及驅

鄉農凡數十萬列砦圍三城制司總所糧援俱絕范
葵命三城諸門各出兵劫寨舉火為期夜半縱兵衝
擊殲賊甚衆自是全一意長圍以持久困官軍不復
薄城全張蓋奏樂于平山堂布置築圍范令諸門以
輕兵牽制親帥將士出堡砦西攻之全分兵諸門鏖
戰自辰至未殺傷相當明日范出師大戰獲全糧數
十艘葵亦戰敗之

詔史彌遠十日一赴都堂治事

立皇后謝氏

天台人故相
深甫之孫

后父渠伯早世產業破壞后躬親汲飪帝即位議擇

中官楊太后以謝深甫有援已功

楊后立于寧宗嘉泰二年時深甫為

丞相然宋史楊后及深甫傳俱不言援立之事惟謝后傳載之今依續綱目從謝后傳輯命選謝

氏女謝氏獨后在室

后生而黶黑翳一目兄弟欲納入官諸父擲伯不可曰即奉詔

納女當厚奉資裝異時不過一老官婢事奚益會元夕縣有鵲來巢燈山衆以為后妃之象擲伯不能止乃

共送后就道后旋病疹良已遂與賈涉女同入官賈

女有殊色帝欲立之太后曰謝女端重有福宜正中

人之妍媸好醜
皆有一定惟榮
枯肥瘠或有時
變更其本質終
不能易也黶黑
之人因病而膚
蛻如玉乃理所
必無好事者作
此謬語以侈異
徵史家誤信而

書之簡冊不直一喙也

宮左右亦相竊語曰不立真皇后乃立假皇后邪帝不能奪賈妃專寵後宮后處之裕如不以介懷太后益賢之帝禮遇日加

辛卯四年

金正大八年

春正月趙范趙葵大敗李全于揚州城

下全走死新塘

在揚州府城北上接雷塘下連運河

全浚圍城塹范葵遣諸將出揚州東門掩擊全走土城官軍躡之蹂弱甚衆范陳于西門賊閉壘不出葵曰賊俟我收兵而出爾乃伏騎破垣間收步卒誘之

賊兵數千果趨濠側李虎力戰城上矢石如雨注賊
退有頃賊別隊自東北馳至范葵揮步騎夾浮橋吊
橋並出為三迭陳以待之自己至未與賊大戰別遣
虎等以馬步五百出賊背而葵率輕兵橫衝之三道
夾擊賊敗走

始全反謀已成然多顧忌且懼其黨不
順而遣陸喜事者欲挾全為重遂贊成

之故全決計反及趙善湘趙范趙葵用事聲罪
致討罷支錢糧攻城不得欲戰不利始大悔已而

置酒高會于平山堂有堡塞候卒識全槍垂雙拂為
號以告范范喜謂葵曰此賊勇而輕若出必成擒矣

乃悉精銳數千而西取官軍素為賊所易者張其旗
幟以誘之全望見突闕而前范麾兵並進葵親搏戰
諸軍爭奮賊始疑非前日軍欲走入土城李虎軍已
塞其甕門全窘從數十騎北走葵率諸將以制勇寧
淮二軍感之全趨新塘淖深數尺會久晴浮戰塵如
燥壤全騎過之皆陷淖中不能自拔制勇軍追及奮
長槍三十餘亂刺之全呼曰無殺我我乃頭目羣卒
梓其尸而分其鞍馬器甲並殺三十餘人皆將校也

全死餘黨欲潰國安用不從議推一人為首莫肯相
下欲還淮安奉金妻楊氏范葵追擊大破之乃散去
范還揚州捷聞加趙善湘江淮制置大使范淮東安
撫使葵淮東提刑善湘季子汝楨史彌遠壻也奏請
無阻而善湘亦以范葵進止有方慰藉殷勤故能成
功

蒙古圍金鳳翔夏四月克之

蒙古圍金鳳翔府金行省哈達布哈逗留不進金主

遣樞密判官白華

字文舉
粵州人

往諭之哈達布哈言北兵

勢盛不可輕進白華還金主復遣諭以鳳翔圍久恐

守者不能支可領軍出關略與渭北軍交手計北軍

聞之必當奔赴少紓鳳翔之急哈達布哈乃始出關

行至華陰界與渭北軍交戰比晚收軍入關不復顧

鳳翔矣蒙古遂取鳳翔哈達布哈遷京兆民于河南

使完彥慶善努戍之

五月趙范趙葵等收復淮安

趙范趙葵復帥步騎十萬攻鹽城屢敗賊衆遂薄淮

安城殺賊萬計焚二千餘家城中哭聲震天五月淮

安五城

此賊所築
以屯兵者

俱破斬首數千燒砦柵萬餘家淮

北賊歸赴援舟師又勦擊焚其水柵夷五城餘址賊

始懼王旻趙必勝金子才等移砦西門與賊大戰又

敗之全妻楊氏謂鄭衍德曰二十年梨花槍天下無敵

手今事勢已去撐拄不行汝等未降者以我在故耳

遂絕淮而去其黨即遣馮均等納款軍門趙范許之

淮安遂平

國安用降蒙古以為山東都元帥

安用從李全妻楊氏走山東降于蒙古蒙古以為都

元帥行省山東

蒙古侵金使蘇巴爾罕

舊作連不罕今改

來假道秋七月至汴

州統制張宣殺之

初金降人李昌國言于家古圖壘曰金遷汴將二十

年其所恃以安者潼關黃河耳若出寶雞以侵漢中

不一月可達唐鄧大事集矣圖壘然之至是白于蒙古主蒙古主乃會諸將期以明年正月合南北軍攻汴遣圖壘先趨寶雞蘇已爾罕來假道淮東以趨河南且請以兵會之至沔州青野原注見前統制張宣殺之圖壘聞蘇已爾罕死曰宋自食言背盟棄好今日之事曲直有歸矣

八月蒙古圖壘入武休破興元遂侵仙人關

注俱見前

蒙古圖壘分騎兵三萬入大散關攻破鳳州徑趨華

陽

今漢中府洋縣北有華陽山元魏置華縣以此名後廢

屠洋州攻武休開生

山截焦崖

棧道名與程記連雲棧有焦崖鋪

出武休東南遂圍興元

軍民敗走死于沙窩者數十萬分軍而西西軍由別

路入沔州取大安軍路開魚鼈山

在寧羌州東南

撤屋為筏

渡嘉陵江入關堡並江趨葭萌略地至西水縣

後周縣元

省改城在今四川保寧府閬中縣

破城寨百四十而還東軍屯于興

元洋州之間以趨饒風關

注亦見前

蒙古主以耶律楚材為中書令

楚才奏諸路州縣長吏專理民事萬戶府專總軍政
課稅所專掌錢穀各不用相統攝著為令蒙古主至
雲中諸路所貢課額銀幣及倉廩物料文簿具陳于
前悉符楚材元奏之數笑曰卿何使錢幣流入如此
即日授以中書省印俾領其事事無巨細一以委之
九月太廟火

丙戌夜臨安火延及太廟三省六部御史臺秘書省
玉牒所惟丞相史彌遠府獨存蓋殿帥馮榘率衛卒

力救之也帝素服減膳徹樂宰執降官封一品

太常少卿

度正國史院編修官李心傳上疏言宗廟之制未合于古茲緣災異宜舉行之語兩省侍從臺諫集議之遂求直言籍田令徐清叟上疏乞為濟王置後以和異氣帝不省度正字周郡合州人李心傳字微之舜臣之子徐清叟字真翁應龍之子

蒙古攻金河中取之

蒙古主圍河中急金完顏慶善努棄京兆東還簽樞

草火額爾克元帥板子額爾克

俱內族一得賊好以草火燒之一嘗誤呼

宮中牙牌為板子時人以其兩懼軍力不足截故城人同時同名故加此號以別之

之半以守蒙古築松樓高二百尺下瞰城中土山地
穴百道並進晝夜力戰樓櫓俱盡白戰又半月力竭
城破草火額爾克猶親搏戰數十合始被擒就死板
子額爾克以敗卒三千奪船走閭鄉初板子額爾克
在鳳翔為監戰奉御陸爾舊作六
兒今改所制有隙及改河
中總帥同赴召陸爾遂譖其奉旨防秋畏怯違避金
主信之至是怒其不能死節因杖殺之

冬十月蜀口諸郡陷于蒙古

四川制置使桂如淵逃歸詔以李璘為四川制置使
知成都府趙願字敏若彭州人副之知興元府初彥呐治
西和五年安丙待之甚厚崔與之以彥呐大言無實
必誤國事不可付以邊閫朝廷不從

蒙古伐高麗

以其殺使者珠古

十一月蒙古圖壘入饒風關十二月渡漢江金完顏哈

達伊喇布哈自順陽

漢侯邑晉置郡宋為縣元省故城在今南陽府淅川縣

還鄧

州蒙古追之獲其輜重

圖壘攻饒風關入之由金州而東將趨汴京民皆入保城壁險阻以避之金主召宰執臺諫入議皆曰北

軍冒萬里之險歷二年之久方入武休其勞苦已極為

吾計者以兵屯睢鄭昌武

今河南許州金為昌武軍節度使

歸德

金改

宋應天府為歸德府今府屬河南

及京畿諸縣以大將守洛陽潼關

懷孟等處嚴兵備之京師積糧數百萬斛令河南州郡堅壁清野彼欲攻不能欲戰不得師老食盡不擊

自歸矣金主太息曰南渡二十年所在之民破田宅
鬻妻子以養軍士今敵至不能迎戰徒以自保京城
雖存何以為國天下其謂我何朕思之熟矣存亡有
天命惟不負吾民可也乃召諸將屯襄鄧十二月哈

達布哈帥諸軍入鄧州楊古延

一名沃哩賜姓烏
林哈喇州靜遠官

莊人按楊古延舊作楊沃衍沃哩舊作翰
烈烏林噶舊作兀林答今並改後倣此

禪華善武仙兵

皆會之遂出屯順陽園壘將兵屯漢江哈達布哈召
諸將議由光化截江與戰及放之渡江而後戰孰是

截江與戰，僅能拒而不能攻，固不若縱之渡而後擊，可以出奇制勝。然常飛方渡之時，攻其無備，如迅雷之不及掩耳，其勢固不容髮。乃哈達布哈既以後失事機，復明列步騎虛張聲勢，致敵兵觀望不前，已昧于遲速，勞逸之道而兩人者尚飾為整。

張惠阿達茂

舊作按得木今改

皆曰截江便縱之渡，則我腹

空虛，必為所潰。布哈曰：使彼在沙磧，且當往求之。況

自來乎？未幾，蒙古兵畢渡。哈達布哈始進至禹山。

在南

陽府鄧州西南

分據地勢，列步卒于前山，騎士於山後。蒙古

兵觀之，竟不前。陣散如雁，趨轉山麓，出金騎兵之後。

分三隊而來。哈達曰：今日之勢，未可戰也。俄蒙古兵

少突，前金兵不得不戰。短兵接，三合。蒙古兵少卻，其

在西者望布哈親軍環繞，甲騎後而突之。金富察鼎

暇漫無區分一
則謂未可與戰
一則謂彼將安
歸調度乖方坐
受其傲凡又隱
敗報捷害及城
民其罪尚可勝
誅乎

珠

舊作定
住今改

力戰始退哈達曰彼衆號三萬輜重居其

一今相持二三日彼不得食棄其却而擁之必勝布

哈曰江路已絕黃河不冰彼入重地將安歸乎何以

速為遂不遂明日蒙古兵忽不見邏騎還始知在光化

對岸棗林中晝作食夜不下馬已四日林外不聞音

響哈達布哈議入鄧州就糧辰已間到林後蒙古忽

至哈達布哈迎戰交接之際蒙古以百騎邀兩省輜

重而去金兵幾不成列逮夜二鼓哈達布哈乃入鄧

州城懼軍士迷路鳴鐘招之哈達布哈隱其敗以大捷聞百官表賀諸相置酒省中左丞李蹊且喜且泣曰非今日之捷生靈之禍可勝言哉蓋以為實然也于是民保城壁者皆散還鄉社不數日蒙古游騎突至多被俘獲

新作太廟

壬辰五年

金天興元年

春正月以孟珙

字璞玉宗政字

為京西兵馬幹

轄屯棗陽

初珙父宗政知棗陽招唐鄧蔡州壯士三萬餘人號忠順軍命江海統之衆不服制置司以珙代海珙分其軍為三衆皆帖然珙又剏平堰于棗陽自城至軍

西十八里由八壘河經漸水

即澁水今亦曰沙河在棗陽縣西南入白水

側水跨九阜建通天槽八十有三丈溉田十萬頃立十莊三轄使軍民分屯邊儲豐足珙又命忠順軍家自畜馬官給芻粟馬益蕃息至是以母憂起復駐劄

棗陽

以史嵩之

字子由
鄞人

為京湖制置使

知襄陽府

蒙古主自白坡

即白波鎮在懷慶府孟縣西
南宋初河清縣嘗治此後徙

渡河次鄆

州使其將蘓布特圖金汴京

蒙古主用西夏人實克

舊作恤
可今改

計自河中由河清縣

唐置金徙治孟津渡因改曰孟津此
稱清河蓋指舊名也今屬河南府

白坡渡河遣人

馳報圖壘以師來會蒙古主遂入鄭州遣蘇布特攻

汴城金主召羣臣議所守有言珠格高琪所築裏城

動人以言所感
已淺本無救于
傾危然下詔而
聞者感動猶見
大定明昌之遠
澤在人哉因此

決不可守外城決不可棄于是決計守外城命修樓
櫓器具時京城諸軍不滿四萬而城周百二十里不
能徧守故議以遷避之民充軍又召在京軍官假借
而用得百餘人又集京東西沿河舊屯兩都尉及衛
州義軍四萬并丁壯二萬分置四面每面選千名飛
虎軍以專救應然亦不能軍矣

金主命翰林學士趙
秉文為敕文改元布

宣悔悵哀痛之意指事陳義辭情俱
盡聞者莫不感動洛陽人至于慟哭

金完顏哈達伊喇布哈引兵援汴及蒙古圖壘戰于三

而激勵民心庶幾死守弗去未嘗不可冀效于萬一乃悔悟之辭甫下征括之令旋行百姓雖愚豈虛語所能圖結況并此亦不足信邪

峯

山名在開封府禹州西南

大敗忠孝軍總領完顏禪華善死之

蒙古兵自禹山之戰散漫而北所過州縣無不降破

遂自唐州以趨汴京金二行省自鄧州赴援步騎十

五萬蒙古以騎三千尾之哈達等謀曰敵兵止三千

而不戰是弱也金軍至鈞州

金開封府禹州金曰鈞州

沙河

即須

水在禹州東北

蒙古兵不戰而退金軍方盤營蒙古兵復來

襲金軍不得休息食飲且行且戰至黃榆店望鈞州

二十五里雨雪不能進忽得旨云兩省軍悉赴京師

哈達等遂發蒙古兵自北渡者畢集前後以大樹塞道金將楊古延奪路得之金軍遂進次于三峯山軍士有不食至三日者蒙古兵與河北兵合四面圍之熾薪燔肉更迭休息乘金困憊乃開鈞州路縱之走而以生兵夾擊之金軍遂潰聲如崩山武仙率三十騎入竹林中遂走密縣楊古延樊澤張惠步持大槍奮戰而死

考金史楊古延傳三峯山之敗古延走鈞州部曲勦之降古延劍斫之望汴京再拜

自縊死與此所載不同

哈達知大事已去欲下馬戰而布哈已

失所在哈達乃與禪華善等以數百騎走入釣州蒙

古主時在鄭州聞圖壘與金相持遣昆布哈

宗王伯勒格特

季子按昆布哈舊作口溫不花伯勒格特依舊作別里古台今並改

齊拉袞等赴之至

則金軍已潰于是乃合攻釣州塹其城外哈達匿窟

室中城破蒙古兵發而殺之因揚言曰汝家所恃惟

黃河與哈達耳今哈達為我殺黃河為我不降何

待禪華善趨避隱處殺掠稍定乃出自言曰我金國

大將欲見白事蒙古兵士以數騎夾之詣圖壘問其

姓名曰我忠孝軍總領禪華善也大昌原衛州倒回
谷之勝皆我也我死亂軍中人將謂我負國家今日
明白死天下必有知我者蒙古兵欲其降不肯乃斫
足脛折之劃口吻至耳嚙血而呼至死不屈蒙古將
有義之者以馬潼酹而祝曰好男子他日再生當令
我得之布哈走蒙古兵追躡擒之械至官山
在禹州東北
圖壘欲降之往復數百言終不從唯曰我金國大臣
惟當金國境內死耳遂殺之金之健將銳卒自是俱

盡不復可為矣

二月金陝西諸將棄潼關東還蒙古追及之于鐵嶺

在陝

州盧氏縣北 皆殺之

初金聞蒙古入饒風關遣圖克坦烏登

舊作元典今改

行省

閔鄉以備潼關圖克坦百家為關陝總帥便宜行事

會阿里哈

舊作阿里合今改

傳旨召烏登援汴烏登遂與潼

關總帥納哈塔舍音

舊作納合閔今改

及秦藍總帥完顏重

喜等帥軍十一萬騎五千盡撤秦藍諸關之備從號

入陝金守將李平以潼關降于蒙古蒙古兵遂長驅
至陝烏登發闐鄉軍士各以老幼自隨由西南徑入
大山冰雪中部將多叛去蒙古聞之自盧氏以數百
騎追及之山路積雪晝日凍釋泥淖及脰隨軍婦女
棄擲老幼哀號盈路行至鐵嶺欲戰而饑憊于是重
喜先降蒙古斬之于馬前金兵遂大潰烏登舍音從
數十騎走山谷間追騎擒之皆被殺

蒙古取金睢州遂圍歸德府不克

薩布謂宰相必用文人襲世俗迂腐之說而忘金源蓋臣之本夫金源初起大東爾時豈有文人輔成創業乎況國家有事之日尤當與共安危若止潔身獨

蒙古圍金歸德金行省實嘉組勒勸

本名十六舊作石蓋女魯歡今改後

仿此命經歷冀禹錫守禦禹錫竭其才智故得不破

金復以完彥薩布為左丞相

先是完顏薩布謂都事商衡

字平叔曹州人

曰古來宰相必

用文人以其知為相之道薩布何所知使居此位吾

特恐他日史官書某時以某為相而亡國遂請致仕

至是蒙古攻汴日急財匱援絕金主大懼平章政事

拜姓

內族名承裔系出世祖諸孫按拜姓按作白撒今改後倣此

以為勢必講和

善而置國事於不顧與國休戚之謂何然薩布後此尚能殉義以全大節若拜駐蹕議和為質力薦薩布以避患更為小人之尤而不足責矣

和議定則首相當往為質乃力請金主起復薩布為相且括汴京民軍二十萬分隸諸帥

三月蒙古圍洛陽金警巡使齊克紳

河中射糧軍子弟

力戰却

之

蒙古立砲攻洛洛城中唯三峯潰卒三四千及忠孝

軍百餘守禦而已留守薩哈連

內族字安之按薩哈連舊作撒合輦今改

疽發于背不能軍遂投濠水死已而元帥任守貞復

立府事及守貞援汴河南人推齊克紳為府僉事

紳貌

極寢陋而
精力過人

領所有軍二千五百人甫三日蒙古圍其
三面紳括衣帛為幟立之城上率士卒赤身而戰以
壯士數百往求救應大呼以慙子軍為號其聲勢與
萬衆無異兵器已盡以錢為鏃得蒙古兵一箭截而
為四以筒鞭發之又創過礮用不過數人能發大石
于百步外所擊無不中紳奔走四應所至必捷蒙古
益兵力攻凡三月餘不能拔乃退

金遣曹王額爾克為質于蒙古請和夏四月蒙古退軍

河洛

蒙古主將北還遣使自鄭州至汴諭金主降金主乃

封荆王守純

宣宗子

額爾克為曹王命尚書左丞李

蹊送之蒙古為質請和諫議大夫費摩阿固岱

舊作阿虎

帶今改

為請和使未行蒙古蘇布特聞之曰我受命攻

城不知其他也乃立攻具沿濠列木柵驅漢俘及婦

女老幼負新草填濠頃刻平十餘步平章拜牲以議

和不敢與戰城中喧闐金主聞之從六七騎出端門

時新雨淖車駕忽出都人驚愕失措俱跪于道傍老
幼遮擁至有誤觸金主衣者少頃宰相從官皆至進
笠不受曰軍中暴露我何用此西南軍士五六十輩
進曰北兵填濠過半平章傳令勿放一鏃恐壞和事
宣有此計邪金主曰朕以生靈之故稱臣進奉無不
順從止有一子養未長成令往作質于軍矣汝等略

忍待曹王出韃靼不退汝等死戰未晚是日曹王行

蒙古兵併力進攻

金造礮石取良鐵太湖靈壁假山
為之大小各有斤重其圓如燈毬

之狀蒙古用礮則破大礮或礮礮為二三皆用之攔
竹礮有至十三稍者餘礮稱是每城一角置礮百餘
枝更迭上下晝夜不息數日石幾與裏城平父老所
傳周世宗築京城取虎牢土為之堅密如鐵受礮所
擊唯凹而已金募死士十人穴城由壕徑渡燒其礮生賊上懸
紅紙燈為應約燈起渡壕又為蒙古所覺又放紙鳶置文書
其上至蒙古營則斷之以誘敵俘者
識者謂宰相欲以紙鳶為紙燈退敵難矣蒙古攻城

十六晝夜內外死者以百萬計蘇布特知不可取乃

為好語曰兩國已講和更相攻邪金人因就應之乃

遣戶部侍郎楊居仁

字行之
大興人

出宜秋門以酒炙犒蒙

古兵且以金帛珍異賂之蘇布特乃許退兵散屯河

洛之間參政時嘉喀齊喀

舊作亦蓋合喜今改

以守城為已功

欲率百人入賀參政內族色埒

南陽郡王

曰城下之

衆之子

盟春秋以為恥况以罷攻為可賀耶喀齊喀怒曰社

稷不亡君后免難汝等不以為喜耶乃命趙秉文為

表先是蒙古攻城時金主母明惠皇后陵被發秉文

曰春秋新宮災三日哭今園陵如此酌之以禮當慰

不當賀事乃已金主御端門肆赦改元天興詔內外

官民能完復州郡者功賞有差上書不得稱聖改聖

旨為制旨釋衛紹王族禁錮汴京解嚴步兵始出封
邱門外采蔬薪

金命其平章政事完顏拜姓致仕

拜姓恒怯無能性復貪鄙軍士怨憤其不戰拜姓不

自安謂尚書令史元好問

字裕之太原秀容人

曰我妨賢路久

矣得退為幸為我撰乞致仕表頃之金主已遣使持

詔至其第令致仕軍士猶欲殺之拜姓懼一夕數遷

金主以親軍二百陰為之衛軍士無以泄其憤遂相

率斂其別墅而後已

五月金汴京大疫

凡五十日諸門出柩九十餘萬貧不能葬者不在是數尋以疫後園戶僧道醫師鬻棺者擅厚利命有司倍征之以助國用

秋七月金殺蒙古使者三十餘人

金飛虎卒申福等殺蒙古行人唐慶等三十餘人于

館金主不問和議遂絕

或譏金從此遂絕和議致覆亡非也夫強元勢縱方熾金雖厚禮來使元其能釋憾而就議

邪即暫與和議其能終歲決時不遽轉為稱兵致攻邪殺使不殺使國無增損特是時願國遂替百姓膏塗謂殺此數十人遂足以快心未免所見之淺然較之選懦乞憐終無所逃者猶為此善于彼耳

蒙古國安用降金金封為克王行東京尚書省事賜姓

名完顏永安

舊作用安今改後衍此

先是金徐州軍亂國安用入據之

埽兵總領王祐張興都統豐新等夜

燒草場作亂遂行省圖克坦伊都安用率兵入徐州斬祐等以豐新為帥主徐州事按圖克坦伊都舊作

徒單益都豐新舊作豐仙今並改至是金宿州東面總帥劉安國邵

州杜政皆以州歸之

安用遂據三州蒙古帥額蘇倫

蒙古氏舊作阿

木魯怒曰此三州我當取安用何人輒受其降遣將

今改張進率兵入徐欲圖安用安用懼乃與徐州總帥王

德全刳殺張進及海州元帥田福等數百人乃還邳

州會山東諸州及徐邳宿三州主帥刑白馬結盟誓

歸金既盟諸將皆散去安用無所歸遂同德全安國

因宿州從宜重僧孖

舊作衆僧奴今改後仿此

自通于金重僧孖

以聞金主遣近侍直長因世英等持手詔至邳封拜

安用賜姓改名且以空頭河朔山東赦文使得便宜

從事

先是重僧孖遣使未報安國即服金衣冠及聞使至復猶豫不決遣迎使者監于州廨問所以

來使者對以封建事安用意頗順明日出見使者跪揖如等夷坐定使人取金所賜物徧觀之喜見顏色

乃設宴拜受如儀令主事常謹隨世英奉表入謝從
金所賜姓名為完顏永安金主遣世英賜以鈇券虎
符龍文衣玉魚帶及郡王宣世襲千戶宣各十聽同
盟可賜者賜之世英過徐德全安國說之曰朝廷思
命豈宜出自永安郡王宣吾二人最當得者乞就留
之世英乃留郡王宣世襲千戶由是與永安有隙已
而永安徵兵徐宿欲圍山東德全安國不應永安駐
師徐州城下遣人殺安國因攻徐州三月不能下退
還運水以軍食不給來乞糧朝廷許之永安即
日改從宋衣冠而陰降于金糧乏軍多流亡

金恒山公武仙等會兵救汴八月遇蒙古于京水

即今開封

府賈魯河源出滎陽縣高渚山自鄭州以上謂之京水鄭州以下謂之賈魯河以元賈魯濬此故名

皆潰

初三峯之敗仙走南陽收潰軍十萬人屯留山

在汝州郊

縣西北隋書地理志邠縣城有大留山即此今亦謂之大劉山汴京被圍金主召仙

與鄧州行省完顏色埒鞏昌總帥完顏呼沙呼

即完顏仲

德海蘭路人按呼沙呼舊作忽斜虎今改後倣此合兵入援仙至密縣東遇

蒙古兵即按軍眉山店

在密縣東北眉當作梅以地近眉山故名

報色埒

曰阻澗結營待仙至俱進色埒急欲至汴不聽金主

又命樞密使持嘉喀齊喀帥兵應仙色埒等至京水

蒙古乘之不戰而潰仙亦敗走還留山喀齊喀屯中

年三日聞色埒軍潰即夜棄輜重馳還

喀齊喀被勅廢居汴常缺

鞅不樂後為
崔立所殺

閏九月彗出于角

帝避殿減善撒樂詔中外臣僚指陳缺失無所隱諱
諸路監司察守令之貪廉仁暴及民間利便疾苦以
聞

高麗盡殺蒙古所署官蒙古伐之

高麗盡殺蒙古所署官達嚕喀齊帥衆入海島蒙古

薩喇達

舊作撒里
塔今改

伐之卒于軍

金括粟民間

金主以和議既絕懼兵再至乃復僉民兵為守禦備

遂括汴京粟以完顏珠赫

字仲平後死崔立之難按珠赫舊作珠顥今改後倣

此等主之置局以推舉為名珠赫諭民曰汝當從實

推唱果如一旦糧食盡令汝妻子作軍食復能吝否既

而罷括粟復以進奉取之且賣官及令民買進士第

前御史大夫內族哈昭

一名永錫按哈昭舊作合周今改後倣此

復覬進

用建言京城括粟尚可得百萬石金主乃命哈昭為

參知政事與左丞李蹊復括之

哈昭先令各家自實壯者存石三斗幼者

按戶括粟閭閻已不勝其擾我佳乃更濟以酷暴烈寔隨婦於死歟以皆股栗固益空虛其復何以持久觀其對李蹊之言謂能不損何由成窮思欲以強辭折衆論誰知百姓不保社稷尚誰與國存此豈更不於剝肉

半之仍書其數門首敢有匿者以升斗論罪京城三十六坊各選深刻者主之完顏玖珠尤酷暴有寡婦二口實豆六斗內有蓮子約三升玖珠笑曰吾得之矣執寡婦以令衆婦泣怨曰妾夫死于兵姑老不能為養故雜蓮粒以自食耳非敢以為軍儲也且三升六斗之餘也玖珠不聽危杖死聞者股栗盡棄其餘于糞溷中或白于李蹊蹊顰蹙曰白之參政及白哈昭哈昭曰人云花又不損蜜又得成余謂花不損何由成蜜且京城危急今欲存社稷耶存百姓耶衆莫敢言所括不能三萬斛而滿城蕭然死者相枕貧富束手待斃而已遂至人相食金主聞之命出倉米作粥以食餓者翰林直學士錫默愛實嘆曰與其食之寧如勿奪為奉御博諾所告金主怒送愛實有司鞠近待李太節救免錫默愛實字正之策論進士按完

顏玖珠舊作完顏久住錫默愛實舊作
斜卯愛實博諾舊作把奴今並改

冬十月金盱眙守將以城來歸詔改為昭信軍

蒙古圖壘卒

夜追諡
睿宗

圖壘生六子長莽賚扣

即憲宗舊
作蒙哥

次默爾根

舊作木
兒哥

三胡土克圖

舊作忽
槻都

四呼必賚

即世宗舊
作忽必烈

五實喇

舊
作

旭烈六額呼布格

舊作阿里不哥
今並改後倣此

金以江世顯

字仲明鞏
昌鹽川人

為鞏昌便宜總帥

初世顯以戰功為征行從宜分治陝西西路時調度

窘迫世顯發家資率豪右助邊鄰郡效之軍餉遂足
金主以呼沙呼為鞏昌總帥世顯同知府事二人盡
忠固守以抗蒙古及呼沙呼勤王東下而潰乃以世
顯代之世顯勵志自奮糧械精贍

十二月皇太后楊氏崩

諡恭聖
仁烈

詔外朝以日易月官中行三年喪

蒙古遣使來議伐金許之

蒙古再遣王楫

字巨川鳳翔號縣人

東京湖議夾攻金史嵩之

趙范不欲允
古夾攻之請
先見誠非當時
朝臣所及厥後
乃欲來金之難
遂思收復三京
志則大而識則
短矣夫能奮發
有為豈不甚善
然以積弱之宋
敵方銳之元不
審時勢不度力
量貿貿然輕于
舉動雖欲招尤
范之智何能料
于前而不能料

以聞朝臣皆以為可遂復讐之舉獨趙范不喜曰宣
和海上之盟厥初甚堅迄以取禍不可不鑒帝不從
命嵩之報使許之嵩乃遣鄒伸之往報蒙古許俟成功
以河南北來歸

金主守緒出奔河北蒙古蘇布特復圍汴

汴京糧盡援絕勢益危急召諸臣入議或言歸德四
面皆水可以自保或言宜沿西山入鄧或言設欲入鄧
蒙古蘇布特在汝州不如取陳蔡路轉往鄧下金主

於後耶

未決乃起院判白華為右司郎中問之華言歸德城
雖堅久而食盡坐以待斃決不可往既汝州有蘇布
特則鄧下亦不可往計今事勢當直赴汝州與之一
決然汝州戰不如半途戰半途戰不如出城戰蓋我
軍食力猶在若便得戰存亡決此一舉外則可以激
三軍之氣內則可以慰都人之心或止為避遷之計人
心顧戀家業未必毅然從行可詳審之金主不從翌
日集軍士于大慶殿諭以京城食盡今擬親出遂以

右丞相薩布平章拜姓等帥諸軍扈從參知政納紳

即完顏納紳字正甫蘇呼之弟樞副兼知開封薩尼

按納紳舊作奴申今改後仿此

雅布

舊作習控阿不
今改後仿此

等留守金主乃發汴京與太后

皇后妃公主別大慟至開陽門詔諭留守兵士曰社


稷宗廟在此汝等壯士毋以不預進發之數便謂無

功若保無虞將來功賞豈在戰士下聞者皆灑泣是

日鞏昌元帥呼沙呼援兵至言于金主曰京西三百

里之間無井竈不可往金主遂決意東行進次黃陵

岡諸將請幸河朔金主從之蒙古蘇布特聞金主東
走復進圍汴京



御批歷代通鑑輯覽卷九十一